

摘藻堂四庫全書薈要

史部

欽定四庫全書薈要

史部

欽定天祿琳琅書目卷六

詳校官員外郎臣潘紹觀



欽定四庫全書薈要卷一萬三十五

史部

欽定天祿琳琅書目卷六

元版子部

纂圖分門類題註荀子

一函
十冊

周荀况撰三十二篇唐楊倞注分二十卷前載

楊序并新增麗澤編集荀子事實品題一卷不

著纂人姓氏又宋傅傳良輯荀子門類題目一

卷

此當時帖括之書也其門類題目一卷於標題
次行刊永嘉先生陳傳良編所分門類始曰天
地終曰五常共四十門末又附拾遺并事要總
類二條皆擇書中之可作題目者分類摘句以
取便於觀覽卷後別行刊麻沙劉通判宅刻梓
於仰高堂十二字卷一之後亦於別行刊關中
劉旦校正所謂劉通判者當即是人第書首標
題為纂圖分門類題註荀子書前仍當有圖蓋

已失之矣至所載荀子事實品題一卷觀其識語稱舊本荀揚圖說不過具文今得麗澤堂編次品題凡卿雲事實顛末歷歷可考云云則是荀楊合刊之書非此本中所應有乃書賈割取荀子事實以冠於書首耳且書中自卷九之卷十三及卷十五共六卷標題祇稱荀子卷十六卷二十兩卷標題又稱監本音註荀子書名既不畫一板式亦復懸殊係以三刻湊成一書其

標稱荀子者撫印甚精紙墨俱佳實為宋槧餘則元時所刊遠不相及然宋本流傳者絕少今尚存吉光片羽於元刻之中雖出湊合亦可寶也

明文徵明毛晉藏本

本朝泰興季氏亦經收藏

朱文墨印

事實品題

門類題目

朱文

李振宜
藏書

卷一 卷七 卷八 卷九

江左

事實品題

子晉氏

朱白間文

表臣

朱白間文

玉蘭堂

白文

辛夷館印

朱文

俱門類題目

海虞毛
表奏叔
圖書記

朱文

卷一

卷二

汲古閣

朱文

卷一

毛表
私印

白文

卷三

毛表
之印

白文

卷四

東吳毛
氏圖書

朱文

卷六

別號
正菴

毛表
奏叔

俱白文

卷九

毛表
之印

白文

卷十

叔鄭
後裔

白文

卷十

中吳毛奏叔
收藏書畫記

朱文

卷十二

汲古閣

朱文

卷十四

毛秦叔氏

朱文

卷十五

汲古閣圖書記

朱文

卷十八

西河

白文

毛秦之印

朱文

俱卷十九

汲古後人

白文

卷二十

河南程氏遺書

一函
八冊

宋朱子輯二十五卷附錄一卷外書十三卷後
附文集十二卷又元譚善心輯遺文一卷目錄
後有善心識語并朱子辯誤書末載宋趙師耕

麻沙本後序李襲之舂陵本後序又元鄒次陳
虞槃序二篇

譚善心字元之臨川人元史無傳其事蹟不可
考所作識語稱程子遺文遺事一卷善心始慮
世傳胡氏本猶未盡善而朱子改本惜不可見
貞白虞叔近示以所得吳內翰家藏別本乃與
臆見脗合用鋟諸梓以與學者共之其朱子與
劉共父張南軒辯論所及者悉附注於目錄之

下且為竊考程氏世系譜于十二卷之首云云
世系譜此本已闕鄒次陳序稱遺書外書俱出
程門弟子手記朱子家藏世所刊本無不同者
獨二先生文集出胡文定公家頗有改削朱子
定其所當改者數紙屢以書致劉張二公然承
舛習訛卒莫之從譚元之因與蜀郡虞槃往復
討論以復乎朱子所改之舊焉今觀李靄之春
陵本從序祇言遺書外書而不及文集其趙師

耕麻沙本後序則稱二程先生文集憲使楊公
已鋟版三山學宮遺書外書則庾司舊有之後
俱燬於乙未之火師耕承乏來此亟將故本易
以大字與文集為一體刻之後圃明教堂云云
按陳振孫書錄解題載河南程氏文集十二卷
謂為建寧所刻本載在集部不與遺書合錄子
部之中是振孫所指建寧本似為揚公所刊而
以一體合刻則自師耕始也考浙江通志師耕

黃巖人登宋寧宗嘉定七年進士第其序猶自
署古汴者蓋不忘故土之意李襲之無考元史
虞槃字仲常隆州仁壽人集之弟登延祐進士
授吉安永豐丞後終嘉魚縣尹西江志鄒次陳
字周弼一字悅道宜黃人中博學宏辭科所著
有遺安集十八卷史鈔十卷此書校正文集雖
足訂別本之訛然撫印草草紙墨皆不求精在
元刻中又其次者

書中有趙氏子昂龍門子圖書記進士郡李縣
令三印考元史孟頫以英宗至治二年六月卒
而鄒次陳序作於至治二年七月譚善心識語
作於至治三年九月是孟頫歿時書尚未經刊
行安得其收藏印記進士郡李縣令一印文義
亦不可解觀三印篆法俱極麤劣其為書賈偽
造無疑故不採錄

闕補文集卷八全

近思錄

一
四冊

宋朱子呂祖謙同輯十四卷宋葉采集解前采
序並進書表目錄後載朱子祖謙識語二篇

陳振孫書錄解題馬端臨文獻通考皆載近思
錄十四卷而不及葉采集解明王圻續文獻通
考載近思錄有何基發揮戴亨補註柳貫廣輯
黃績義類諸書亦不載此本考宋史無葉采傳
凌迪知萬姓統譜稱采字仲圭成都人初從蔡

淵受易學已而往見陳淳淳以其好躐高妙而少循序就實工夫屢折而痛砭之采自是屏歛鋒鋠駸趨著實淳深喜之理宗寶慶初為祕書監嘗論郡守貪刻之害上嘉納之今觀書中進表係淳祐十二年表後結銜為朝奉郎監登聞鼓院兼景獻府教授距作祕書監時已歷二十八載廸知乃未經考及耳集解之作蓋在黜淳崇實之後序中有研思積久踰三十載義稍明

備之語用心亦良苦矣此本係仿宋刊而紙質不免麤黝之病

闕補卷二 三十五 卷九 十六

近思錄 一函
三冊

篇目同前闕葉采序

此本板式較大紙質亦極堅緻勝於前本

闕補卷一 四 卷十 十一 卷十四 十一 之

朱子語類 八函
九十六冊

宋蔡靖德輯一百四十卷前載宗黃幹李性傳
蔡抗吳堅黃士毅魏了翁王似諸序并語錄姓
氏門目目錄後靖德識語二篇考訂九條

馬端臨文獻通考載李道傳輯晦菴語錄四十
六卷其弟性傳又輯續錄四十六卷王圻續文
獻通考載文公語類一百三十八卷乃黃士毅
所序次者今按靖德識語稱李道傳刊語錄於
池李性傳刊續錄蔡抗刊後錄皆於饒是為三

錄黃士毅輯語類刊於蜀王必作續類又刊於
徽是為二類凡五書靖德合而叅校之削其複
者一千一百五十餘條云云是靖德所見者博
而所採者精也凌迪知萬姓統譜載靖德永嘉
人為沙縣主簿攝縣事清謹善理繁劇博學能
文嘗修沙陽志此書字畫不工紙麤墨黯乃元
時坊刻之本

檇李項氏藏本

本朝黃虞稷亦經收藏按虞稷字俞邵晉江人康熙間以諸生預修明史食七品俸一時以為榮

墨林項氏
秘笈圖書

朱文

黃印
虞稷

白文

俞邵

朱文

俱每冊

闕補卷三十三

二十六十一

卷三十五

二十七

卷八十

一三十二

卷九十四

十五十四

卷一百十一

卷一百

二十八

朱子語類

四函

二十四冊

篇目同前前有宋王栢序

此與前部同出一板撫印之時亦不相遠而此書多王栢序序作於宋咸淳乙丑稱靖德編校成書文公之遺語大備是栢序專為此書而作前部無之當屬闕佚第栢序紙色與全部深淺迥殊似非一時所印或由取資於別本耳

道命錄

一函
一冊

宋李心傳輯元程榮秀鑑正分十卷前心傳序

宋朱申序榮秀序

考宋史李心傳字微之隆州井研人慶元二年薦於鄉既下第絕意不復應舉閉戶著書晚因崔與之魏了翁等之薦為史館校勘賜進士出身累官至工部侍郎以言去奉祠潮州淳祐三年致仕卒載所著成書甚多內有道命錄五卷心傳自序係作於理宗嘉熙三年朱申之序乃淳祐十一年知江州時為之刻梓而作其書尚

仍五卷之舊榮秀序稱道命錄五卷刻梓在江
州燬於兵榮秀嘗得而讀之疑為初稿尚欲刪
定而未成者齋居之暇畧加釐正彙次為十卷
重刻於龜山書院而識其後云云書中第十卷
末附宋理宗淳祐以後贈卹指揮二篇制詞三
篇標為續增又元文宗天歷以後請加封狀并
部議二篇贈卹制詞五篇標為新增乃榮秀所
補錄者當時刻手印工咸出上選紙潔墨瑩幾

與宋槧無異誠元刻之佳本也榮秀序闕末數

行以明萬歷間丁元薦刊本校之榮秀姓程新安人序作於至順四年結銜為奉直大夫江浙等處儒學提舉惜宋史無榮秀傳新安志亦未載其事蹟不可考序末數行今依元薦本補錄

御題道命錄十卷宋嘉熙間編次瀛洛關閩五先生進退黜陟之所由而終以謚議贈卹制詔元時重刻於龜山書院則又續增作書後所有事實及元代追

崇典冊之文也其云道命者蓋言道之行與廢皆命
云爾此書猶是元龜山書院初本乾隆甲子秋日御
識鈐

寶二曰乾隆宸翰曰幾暇臨池

朱卧菴吳岫收藏諸印無考

朱卧菴
收藏記

朱文 李序 卷三
卷七 卷八

姑蘇
吳岫
收藏

朱文
卷一

留耕
堂印

白文 卷二
卷六 卷七下

類編標註文公先生經濟文衡

一函
六冊

宋馬括輯前集二十五卷後集二十五卷續集
二十二卷共七十二卷前宋黃昇括自序

馬括宋史無傳宋人諸書目亦不載是書其序
作於淳祐辛亥按辛亥為宋理宗淳祐十一年
書中蓋取朱子所著論者類而編之加以標註
黃昇序稱括字曰季機而未詳其爵里昇宋史
亦無傳著有中興詞選字曰叔賜號曰玉林又
號花庵胡德方為之序稱其早棄科舉吟咏自

適秋房樓公以泉石清士目之馬括當時纂輯
此書似未刻梓是本前集總目後有時泰定甲
子春刊於梅溪書院木記按泰定甲子為元泰
定帝御極之元年版式係仿宋巾箱本而未能
如宋槧之工也

類編標註文公先生經濟文衡

一函
六冊

篇目同前

此書即前板撫印亦出一時

周大訓印無考

瀛溪
道脈

朱文

周印
大訓

白文 前集卷一 卷六 卷十三 卷三十 後集卷一

卷九 卷五 卷三十 續集卷一 卷七 卷十三 卷十七

詳註東萊先生左氏博議

一函
四冊

宋呂祖謙著二十五卷前祖謙自序

祖謙序以左氏博議為諸生課試而作故當時
付刊仿巾箱本之式書中無刻梓年月亦不載
作註人姓氏觀其紙黝墨黯乃元櫺宋槧而不

能工者也

元趙孟頫藏本明陳繼儒徐渭亦經收藏孟頫見前考明史繼儒字仲醇號眉公松江華亭人為諸生與董其昌齊名年甫二十九取儒衣冠焚之隱居崑山之陽後築室東佘山杜門著述工詩善畫年八十二卒徐渭字文長號天池生山陰人為諸生有盛名嘗自言吾書第一詩次之文次之畫又次之

眉公

朱文

序

松雪

朱文

天池居士

白文俱錄卷三

卷五卷之卷西卷六

卷十八

卷二十

卷二十二

卷二十四

卷二十五

胡子知言

一函
一冊

宋胡宏著一卷後錄一卷前宋張栻序

宋史胡宏字仁仲建寧崇安人安國次子初以
蔭補右承務郎不調秦檜當國貽書其兄寅問

二弟何不通書意欲用之宏書辭甚厲人問之

宏曰正恐其名故示之以不可名之端檜死宏
被召竟以疾辭著書曰知言張栻謂其言約義
精道學之樞要制治之著龜也按張栻嘗從宏
遊其序作於孝宗乾道四年極推崇之意朱子
語錄有曰因與諸子論湖湘學者崇尚胡子知
言曰知言固有好處然亦大有差矣如論性往
往與告子湍水之說生之謂性之意有相似處

云云而呂祖謙謂知言勝似正蒙則又過於稱
許矣此書兩卷後別行皆刻後學天台吳堅刊
於福建漕治考宋史無堅傳浙江通志載堅仙
居人登淳祐四年甲辰進士第歷官至端明殿
學士此書係元時翻刻雖不能精而宋槧規矩
猶存尚屬元版之佳者

本朝商邱宋肇藏本有緯蕭草堂印按肇作西陂
雜詠詩有緯蕭草堂一篇其子至曾取以名其

集

緯蕭州堂

朱文

藏書記

冊末

困學紀聞

一函
六冊

宋王應麟著二十卷前應麟自識元年應龍表
桶序後陸晉之序

考宋史王應麟字伯厚慶元府人九歲通六經
淳祐元年舉進士寶祐四年又中博學宏辭科

歷官禮部侍郎尋轉尚書兼給事中左丞相以
留夢炎用徐囊黃萬石等遂東歸後二十年卒
所著書甚多困學紀聞其一也年應龍序作於
元英宗至治二年袁桷序作於泰定帝泰定二
年元史列傳應龍字伯成其先蜀人後徙居吳
興應龍幼警敏日記數千言擢咸淳進士第賈
似道招之拒不見不得寘上第調光州定城尉
沿海制置司辟為屬以疾辭不仕而宋亡矣已

而起家教授漂陽州晚以上元縣主簿致仕泰

定元年卒年七十八袁桷字伯長慶元人以薦

為翰林國史院檢閱官屢遷至侍講學士泰定

初辭歸四年卒追封陳留郡公謚文清陸晉之

吳郡人元史無傳其結銜為慶元路儒學教授

序中有鳩工度費給以學儲本學官及岱山長

共助以足其用云云按顧炎武日知錄引陸深

金臺紀聞曰元時州縣皆有學田所入謂之學

祖以供師生廩餼餘則刻書工大者合數處為之故讐校刻畫頗有精者今證以晉之所言適相脗合第此書撫印不佳耳

闕補卷二

三十七卷三十八

卷十一

十七

卷十五

十二

困學紀聞

一函
十一冊

篇目同前前年應龍序後陸晉之序俱不載

此書板較大非陸晉之所校刊者故不載其序應龍序或本有而後失之刻手印工較前部皆

高一籌在元刻中尚為佳本

闕補目錄 三卷二 三十五 卷三 十九 二十七 二 卷六 十八

三十一 卷七 八 卷十一 六 四 十六 十 卷十四

十五 卷十五 十一 卷十九 二 五 卷二十一 三

四

北戶錄 一函 二冊

唐段公路纂龜圖註三卷前唐陸希聲序

公路唐書無傳陸希聲序稱為鄒平公之孫考

唐書段文昌於唐文宗時以御史大夫進封鄴
平郡公則公路乃文昌之孫矣其書皆採嶺南
民風土俗飲食衣製歌謠哀樂有異於中夏者
錄而誌之至於草木果蔬蟲魚羽毛之類有瑰
形詭狀者亦莫不畢載謂之北戶錄者蓋取淮
南子云南方之極自北戶之界至炎風之野赤
帝祝融之所司也希聲吳人善屬文由右拾遺
歷官至同中書門下平章事唐書有傳龜圖無

考書中目錄後別行刊臨安府太廟前尹家書籍鋪刊行則知是書先有宋槧此本規仿為之意欲偽充宋刊故猶存尹家之名耳

元王元伯藏本

本朝秦興季氏虞山錢氏亦經收藏錢曾見前考江南志元伯金壇人四世不異爨家人百餘口無間言日使諸女婦聚一室為女工畢歛貯一庫室無私藏兄宣伯卒以家事付兄子軌軌辭

元伯曰若宗子也宗子宜主之相讓既久卒以
付軌縉紳之家咸自謂不如至元間旌表其門

竹塢

朱文

王印
履吉

白文

李印
振宜

滄
華

朱文
俱序

吉吳
王氏

白文
目錄

習
古

朱文墨印
目錄

李振宜
藏書

朱文墨印

目錄卷三

虞山錢曾
遵王藏書

朱文 卷二

卷二

王氏
元伯

朱文 卷二

卷二

王氏
家藏

朱文 序
卷一 卷三

夢溪筆談

一函
八冊

宋沈括著二十六卷前括自序

括序稱予退處林下思平日與客言者時紀一事於筆謂之筆談聖謨國政及事近官省皆不敢私紀至於繫當日士大夫毀譽者雖善亦不欲書所錄惟山間木蔭率意談噓不繫人之利害者下至閭巷之言靡所不有云云考宋史括字存中錢塘人擢進士第歷官至龍圖閣待制知審官院出知青州未行改延州以功加龍圖閣學士尋謫均州團練副使元祐初徙秀州繼

以光祿少卿分司居潤八年卒此書當屬居潤
時所作故有退處林下之語其書曰故事曰辨
證曰樂律曰象數曰人事曰官政曰權智曰藝
文曰書畫曰技藝曰器用曰神奇曰異事曰謬
誤曰譏謔曰雜誌曰藥議共十有七門開雕者
雖仿宋槧而撫印不工紙質亦未能堅緻其為
元刻無疑

明杜堇藏本考馮仙槎圖繪寶鑑續纂杜堇字

懼男有櫟居古狂青霞亭長之號丹徒人占籍
京師舉進士不第遂絕意進取為文竒古兼善
繪事安陽開國印記無考又有宋徽宗政和二
字寶篆麗俗係書賈偽作不足載入

安陽開

國印記

杜堇

俱朱文

每冊首

詩苑叢珠

一函
三冊

元仇舜臣編曹彥文增輯三十卷前曹輓序

輓序作於大德己亥按己亥為元成宗大德三
年序後有至正甲辰菊節西園精舍新刊木記
按至正甲辰為元順帝至正二十四年距輓作
序之時已逾六十六載書分三十六門皆採摘
成語取其二三字集成對偶并附詩聯以備初
學撝撫之用係餽釘之書故不顯於當世歷年
既久書賈得之始為開雕宜其刊印草草也舜
臣彥文輓俱無考

元版集部

分類補註李太白詩集

一函
五冊

唐李白著元楊齊賢集註蕭士贇補註二十五
卷前載唐李陽冰宋樂史宋敏求曾鞏毛漸五
序劉全白李君碣記

陳振孫書錄解題曰唐志有草堂集二十卷李
陽冰所錄也今按陽冰序文但言十喪其九而
無卷數又樂史序文稱李翰林集十卷別收歌

詩十卷校勘為二十卷又於館中得賦序書表
贊頌等亦為十卷號為別集然則三十卷者樂
史所定也家藏本不知何處本前二十卷為詩
後十卷為雜著首載陽冰史及魏顥曾鞏四序
李華劉全白范傳正裴敬碑志卷末又載新史
本傳而姑孰十詠笑矣悲來草書三歌行亦附
焉復著東坡辯證之語其本最為完善別有蜀
刻大小二本卷數亦同而首卷專載碑序餘二

十三卷歌詩而雜著止六卷有宋敏求後序言
舊集歌詩七百七十六篇又得玉溥及唐魏萬
本同哀唐類詩諸編洎石刻所傳廣之無慮千
篇以別集雜著附其後曾鞏蓋因宋本而次第
之者也以校舊藏本篇數如其言然則蜀本即
宋本也耶末又有元豐中毛漸題云以宋公編
類之勤曾公考次之詳而晏公又能鏤板以傳
於世乃晏知止刻於蘇州者然則蜀本蓋傳蘇

本而蘇今不復有云云今觀此本首卷錄賦八

篇餘二十四卷皆載歌詩並無雜著與振孫所
見諸本不惟卷數叅差亦且所收反少雖載陽
冰諸人之序而皆不仍其舊矣書中有建安余
氏勤有堂刊篆書木記目錄末葉板心記至大
辛亥三月刊按辛亥為元武宗至大四年其時
勤有堂之名尚存蓋建余氏子孫皆世守其業
者也楊齊賢無考蕭士贇字粹可寧都人篤學

工詩與吳澄友善所著有冰涯集見西江志

陳惟中收藏印記無考

陳氏
惟中

白文 卷四

卷十 卷九

闕補卷三 三十三

唐翰林李太白集

一函
八冊

唐李白著二十六卷前唐李陽冰序後宋樂史

曾鞏毛漸三序目錄後載薛仲邕編白年譜

此書不載編纂人姓氏前二十四卷皆載歌詩
賦則列於二十五卷其二十六卷專載讚十七
篇較前部故多一卷然撫印遜於前部其中錯
誤亦多如作序之毛漸並訛為毛逯似是坊間
自為刊行之本也

明安國錢穀黃姬水俱經收藏安國見前按蘓
州志錢穀字叔實吳人少孤貧失學迨壯始知
讀書家無典籍游文待詔門下日取架上書讀

之以其餘功點染水墨得沈氏之法黃姬水字
淳父長洲人五岳山人省曾之子生而英敏山
人出入必携之俱命學書於祝京兆遂傳其筆
法餘印無考

子壽

桂坡安
國賞鑑

俱朱文陽冰序 卷二 卷六 卷十

卷十四 卷十八 卷二十一 卷二十四

錢穀

朱文 年譜

叔寶

白文 卷二 卷五 卷九 卷十三

毛序

卷十七 卷二十 卷二十三 毛序

黃印
姬水

白文 卷二

毛序

山齋

游俠
處士

俱朱文

毛序

集千家註分類杜工部詩

一函
十冊

唐杜甫著宋徐居仁編次黃鶴補註二十五卷
前載傳序碑銘一卷註杜詩姓氏一卷年譜一
卷

陳振孫書錄解題曰門類杜詩二十五卷稱東
萊徐居仁編次未詳何人云云是門類係居仁

所編而集千家註之名則自黃鶴為之書分七十二門所列註詩姓氏始韓愈元稹終以文天祥謝枋得劉會孟共一百五十六家其曰集千家者蓋夸大之詞耳黃鶴字叔似臨川人所著有北牕寓言見西江志書中門類目錄後有皇慶壬子鐘式木記勤有堂鑪式木記傳序碑銘後有建安余氏勤有堂刊篆書木記詩題目錄及卷二十五後皆別行刊皇慶壬子余志安刊

於勤有堂按皇慶壬子為元仁宗皇慶元年前
余氏所刊李太白集係至大辛亥與此刻僅隔
一年蓋欲以李杜詩集並行於時故刻手印工
亦復相等也

闕補卷二十六卷五十一卷七十七之卷十五

三十二卷十九十四十五
三十三卷二十七

集千家註分類杜工部詩二函
二十冊

篇目同前後附文集二卷

此書即前版惟將傳序碑銘後建安余氏篆書
木記鑱去別刊廣勤書堂新刊木記門類目錄
後鐘式鑪式二木記尚存而以皇慶壬子易刊
三峰書舍勤有堂易刊廣勤堂其詩題目錄後
別行所刊之皇慶壬子余志安刊於勤有堂十
二字雖亦鑱去而卷二十五後所刊者當時竟
未檢及失於削補所增附之文集二卷櫺印草
草較之前二十五卷亦不相類此拙工所為雖

欲作偽亦安能自掩耶

本朝泰興季氏藏本餘印無考

宋文 傳序碑銘首葉 詩集卷一之卷四

季振宜藏書

卷六之卷二十五 文集卷一 卷三



宋文

雅齋印

潘敦景信圖章

俱白文 詩集卷十

卷二十

集千家註分類杜工部詩

一函 六冊

篇目同前闕傳序碑銘一卷年譜一卷文集二

卷

此本與前第二部為一時撫印之書其卷二十
五後雖亦無皇慶壬子余志安刊於勤有堂一
行乃用別紙粘接非由版中鑿去係後之鶻書
者知其作偽未周又從而彌縫之耳

闕補詩題目錄十八卷七十七

集千家註分類杜工部詩

二函
二十六冊

篇目同前

此書乃以前版重加翻刻故將建安余氏前後所列之名畫為削去其廣勤書堂新刊木記亦復不存惟以鐘式木記中三峰書舍四字易刊汪諒重刊而鑪式木記中之廣勤堂則仍其舊汪諒無考觀其去廣勤書堂新刊木記則是堂亦非汪諒所有矣書中註字本小一經翻刻筆畫未免較肥然紙質印工實出前二部之上

闕補卷十一 全
卷十五 全

韋蘇州集

一函
五冊

唐韋應物著十卷前宋王欽臣序元沈明遠補
撰傳

馬端臨文獻通考載韋蘇州集十卷未及作序
之人考宋史王欽臣字仲至應天宋城人洙之
子用蔭入官文彥博薦試學士院賜進士及第
歷集賢殿修撰知和州徙饒州斥提舉太平觀
徽宗立復待制知成德軍卒欽臣性嗜古藏書

數萬卷手自讐正世稱善本沈明遠元人史無
傳考顧瑛玉山名勝集載明遠吳興人精隸法
玉山草堂春暉樓綠波亭諸額皆其所書又稱
其與顧德輝同時按德輝之子元臣於太祖至
元之季為水軍副都萬戶則明遠為元初人無
疑此書當屬欽臣所訂而明遠重刻於元初者
故樞印精好與宋槧猶不相遠

御題韋應物五言詩高遠間淡世所罕及年至九十

餘益造微妙浮屠皎然工詩嘗擬其體應物語之曰
人各有能有不能子欲為我且失其故步至今傳為
知言白居易繼守蘇州詩云敢有文章替左司其見
推重如此惜其文史逸不傳所傳者特詩集耳是集
編次雕鰌雅稱善本予愛讀其詩因書數語於卷首
乾隆甲子九秋三日鈐

寶二曰乾隆宸翰曰幾暇臨池

或謂公詩不琢句不用事不鍊詞不知公之所

以為唐大家者或謂此也晴牕點檢遂為三歎

辰翁志

沈明遠補傳後

右識語一作小行書用筆高古考西江志辰翁
姓劉名會孟廬陵人補太學生壬戌廷試忤賈
似道意而理宗嘉之寘丙第以親老請濂溪書
院山長江萬里陳宜中薦居史館又除太學博
士皆固辭宋亡托方外以歸著須溪集百卷書
中有漱石枕流印當為辰翁托方外時所寄意

者以此證之是書為元初刊本益信

白文序卷一

漱石
枕流

卷四 卷六

增廣註釋音辯唐柳先生集

一函
八冊

唐柳宗元著童宗說音註宋張敦頤音辯潘緯
增廣音義正集四十三卷別集二卷外集二卷
附錄一卷共四十八卷前唐劉禹錫原序宋陸
之淵序並編集姓氏

陸之淵序作於宋孝宗乾道三年稱予至瀟山
郡齋雲間潘廣文携音訓數帙示予比於祝充
之註昌黎集云云潘緯宋史無傳考凌迪知萬
姓統譜載緯字仲寶華亭人紹興中舉進士甲
科恬於進取工著述陸之淵無考是書亦係翻
刻宋本字畫猶存其概而紙質墨香則不相侔
矣

明晉莊王鍾鉉藏本鍾鉉見前

朱文序

晉府
書畫
之印

卷二十六

敬德
堂圖
書印

子孫
永寶
圖

俱朱文

卷二十五

附錄

增廣註釋音辯唐柳先生集

一函
五冊

篇目同前闕編集姓氏

前書於正集外雖分別集外集附錄而目錄則
同列於正集之首此本以末五卷目錄移置別
集之前版式雖仿前書而實別為刊梓撫印之
工又出其下也

明毘陵周氏藏本良金印已見前吳蒙印記無考

周印
良金

毘陵周氏九松
迂史藏書記

俱朱文序 卷八卷九卷十八 卷十九

卷三十一 卷三十二 卷四十一 卷四十二 附錄

吳印
蒙

白文

卷一

增廣註釋音辯唐柳先生集一函十二冊

篇目同前闕別集外集附錄目錄

此本較第二部又遜一籌合觀三書皆非一版

何開雕者如是之多而顧草草以從事耶

鄭翼明收藏印記無考

鄭翼
明記

宋文 八分

序

陸宣公集

一函
五冊

唐陸贄著十卷

陳振孫書錄解題曰陸宣公集二十二卷權德輿為之序稱制誥集十三卷奏草七卷中書奏議七卷今所存者翰苑集十卷謄子集十二卷

序又稱別集文賦表狀十五卷今不傳據此則
陸贄集乃四十二卷至宋已闕二十卷矣振孫
所謂翰苑集即制誥集其膀子集係合奏草奏
議為一書馬端臨文獻通考專載奏議十二卷
蓋因制誥奏議集名既分原可各自單行不必
合二十二卷始為全本此書所載皆制誥之文
分以十卷即單行之翰苑集也字朗紙瑩洵屬
元刊善本

歐陽文忠公文集

五函
四十五冊

宋歐陽修著居士集五十卷外集二十五卷易
童子問三卷外制集三卷內制集八卷表奏書
啟四六集七卷奏議集十八卷雜著述十九卷
集古錄跋尾十卷書簡十卷共一百五十三卷
總目後有宋胡柯撰年譜一卷并記書後有附
錄五卷及編校姓氏宋周必大序

胡柯記周必大序皆作於宋寧宗慶元二年必

大序稱郡人孫謙益丁朝佐曾三異互加編校
起紹熙辛亥之春迄慶元丙辰之夏始成是書
云云按陳振孫書錄解題曰歐公為一代文宗
其集遍行海內而無善本周益公解相印歸用
諸本編校定為此本且為之年譜曰居士集外
集而下至於書簡凡十名刊之家塾其子綸又
以所得歐陽氏傳家本乃公之子棐所編次者
屬益公舊客曾三異校正益完善無遺恨矣今

以必大序考之三異本預校讐之列書中並無
必大子綸重加編次之語且年譜係出胡柯之
手而非必大所作豈振孫所見又為別本耶此
書字法規仿鷗波深得其妙定屬元時所重刊
者觀其樞印之精非好古家不能為此書前應
有序文似是書賈欲充宋槧遂妄為割去而不
知反掩其善也曾三異宋史無傳凌迪知萬姓
統譜載三異字無疑臨江新淦人少有詩名尤

尊經學屢從朱子問辨因顏讀書之堂曰仰高
部使薦於朝授承務郎端平初以秘閣校勘召
力辭年八十一卒孫謙益字彥撓丁朝佐字懷
忠胡柯字伯信俱吉州人其事蹟無考

弘治十五年十月二日收入淮東書院一部一
百五十三卷附錄五卷四十五冊留都人獻第

十五
冊末

右識語一作蠅頭楷書而筆法不工乃書院中

掌書籍者所識以取便於稽核耳淮東書院無
考按明史地理志載淮安揚州二府元時隸淮
東道宣慰司則書院當在此二府間也
明李廷相周良金俱經收藏印記見前

崑陵周氏九松
過叟藏書記

周印
良金

自娛
而已

俱朱文

周笈
私印

白文

周氏
藏書
之印

濮陽李廷相雙
榆堂書畫私印

俱朱文

每冊

東坡集

二函
十二冊

宋蘇軾著前集四十卷後集二十卷奏議十五
卷內制集十卷外制集三卷和陶詩四卷應詔
集十卷共一百二卷無校刊姓氏

此書前後俱無序跋密行細書撫印工緻係仿
宋巾箱本式欲以之亂真者當屬元初人所為
始克有此形似惜紙質鬆脆不能相強耳

元邵桂子藏本明邵亨貞文徵明亦經收藏翠

竹齋玉蘭堂諸印見前按鮑楹雪舟詩序青溪
邵桂子字德芳太學上舍登咸淳進士任處州
府教授宋亡避地雲間贅曹氏居泖湖之蒸溪
嘗瀕湖構亭名雪舟著述其間有脞稿十卷脞
談二十卷皆以雪舟名之預為生壙號曰元宅
著元宅七銘後七銘續七銘別七銘凡二十八
事摹周易作忍默恕退四卦又松江志載邵桂
子之孫亨貞字復孺博通經史贍於文辭凡陰

陽醫卜佛老之學莫不究其奧洪武間為府學訓導尋戍潁州後歸卒年九十三著有蛾術集

翠竹齋

白文

竹塢

江左

俱朱文

玉蘭堂

梅路精舍

俱白文

目錄

亨貞

邵氏復孺

俱朱文

前集卷八

玄宅

邵子

俱朱文

前集卷五

玄之又玄

朱文前集

卷三十二

元宅子
邵桂子
一之父

朱文前集卷

三三後集卷五

乾坤一卮亭

後集卷十六

朱文前集卷三十四

雲間壽樂行窩

朱文前集卷

三六後集卷三

天玄宅子
根

朱白閣文

前集卷三六

天根
月窟

朱文前集卷四十

後集卷十七

古香

朱文後集

卷十三

桐瀨雪舟

朱文八分

後集卷十四

壽樂堂

朱文後集

卷十八

玄宅邵
桂子一
之父章

白文後集

卷九 卷三

元宅子
邵桂子一
之父章

朱文

內制集卷四

增刊校正王狀元集註分類東坡先生詩

三函
三十冊

宋蘇軾著王十朋集註劉會孟批點二十五卷

前十朋序趙夔序并註詩姓氏傳藻撰東坡紀

年錄一卷

毘陵邵長蘅作王註正譌稱王十朋分類蘓詩

註三十二卷註中引用故事謬誤實多有極淺陋可為失笑者十朋為南渡名臣著梅溪集行世史稱其天資穎悟廷對萬餘言淹通經史其所註蘇詩何至紕繆乃爾又作註蘇例言稱永嘉王氏註本孤行其失大要有三一曰分門別類失之陋西蜀趙夔舊序自言此書分五十門金華呂氏省為三十二門而王氏因之玩其標

目了無意義且就分門之中亦必顛倒次第云云是王氏所分之三十二門已不免後人訾議今觀此書僅二十五卷並非王氏三十二卷之舊而所分門類多至七十有六數且不止於倍之其間篇章之割裂名目之犯複殆有甚焉而乃於標題下署十朋之名抑何妄耶註詩姓氏後有汪氏誠意齋集書堂新刊本記假名妄作必是此人特以其書規仿宋槧撫印清朗尚屬

元刻之善者故存之

元柯九思藏本明項元汴

本朝季振宜俱經收藏印記俱見前餘印皆無可

考

震宮

育德

朱文 王序

卷一

大德

少陽

朱文 王序

卷一 卷三十五

明經

世家

白文

王序

振宜

朱文 王序

卷一 卷三十五

柯九

思印

白文 王序

卷三十五

朴素

居士

朱文

註詩姓氏

崇雅

朱文

聽言生

白文

俱紀年錄

龍峯書屋

朱文 紀年錄 卷二 卷五

卷七 卷九 卷十一 卷十三 卷十六

卷十八

卷二十

卷二十三

卷二十四

天籟閣書畫印

白文

卷二十五

樂城集

二函 三十冊

宋蘇轍著前集五十卷後集二十四卷三集十

卷應詔集十二卷共成九十六卷無校刊人姓

氏

是書卷目次第與馬端臨文獻通考所載悉合其版式之工紙墨之善亦與前東坡集相等蓋當時本以二蘓文集合刊撫印係出一手也

書中有文徵明梅溪精舍玉蘭堂二印前東坡集中亦有之而元邵氏收藏印記則為此本所無此本之任氏王氏季氏諸印又不見於東坡集中則知此二書惟歸文氏時曾經合璧其前乎此後乎此者皆各自流傳今離而復合同為

冊府之珍亦是刻之幸矣王氏季氏諸印見前其
雲間任氏子先一印按任氏為雲間望族松江
志載元末有任暉者字東白其父名子文則子
先或即子文之伯仲行也

鼎

元

季推

俱朱文

梅路
精舍

玉蘭
堂

王印
履吉

俱白文

李振宜
字說号
號滄葦

朱文墨印

俱前集目錄

季振宜
讀書

朱文墨印

前集卷四

卷七

卷十

卷十三

卷十六

卷十八

卷二十一

卷二十五 卷二十八 卷三十一 卷三十四 卷三十七 卷四十 卷四十二

卷四十四 卷四十六 卷四十八 後集卷一 卷四 卷七 卷十一 卷十四

卷十七 卷二十一 三集卷一

朱文

卷四 應詔集卷一 卷六 卷九

雲間任氏子先圖書印

前集卷四十一

欒城集

七函
四十冊

宋蘓轍著前集五十卷後集二十四卷三集十

卷共八十四卷前集轍曾孫誦序後集宋鄧光

跋

按前宋版欒城集後載鄧光并轍曾孫詡四世
孫森三跋詡森跋皆其自書用筆猶秉家法此
本森跋已失詡跋並非自書且移置簡端以為
書序是刊刻者未覩宋槧本又安能撫印精良
耶

闕補前集卷六 三十三 卷四十八 三十三 後集卷

十六 六十七 三集卷一 二十

伊川擊壤集 二函
十冊

宋邵雍撰二十卷前雍自序

鼂公武郡齋讀書志載邵堯夫擊壤集二十卷
稱堯夫隱居洛陽熙寧中與常秩同召力辭不
起遂於易數始為學至二十年不施枕而睡其
精如此歌詩蓋其餘事亦頗切理盛行於時自
為之序云云是宋時擊壤集雍所自刊此本亦
仿宋槧之式而標為伊川者蓋據宋史雍葬親
伊水上遂為河南人也

黃太史精華錄

一函
二冊

宋黃庭堅著任淵選八卷前淵序後朱承爵跋
陳振孫書錄解題載黃山谷詩二十卷新津任
淵註稱其不獨註事而兼註意惜宋史無任淵
傳始末不可考淵既嘗註庭堅詩則是書所錄
擇焉必精朱承爵跋不記年月觀其跋稱任子
淵精華錄選予嘗得其目錄蓋宋元祐間刻版
而亡其文愚輯其辭而完刻之云云是承爵必

非宋人以版式紙質定之當屬元時刊本無疑
陳氏收藏諸印無考

浦石
山房

練江
陳昂
之印

天都陳
氏承雅
堂圖籍

俱朱文

東
阜先
生後人

白文 俱序

卷三 卷五

陳氏藏書
子孫永寶

朱文 卷三

卷四 卷六

屏山集 二函
十二冊

宋劉子翬著二十卷前宋胡憲序朱子撰遺帖

跋墓表後朱子屏山集跋

考宋史劉子翬字彥冲建州崇安人贈太師
之仲子以父任授承務郎辟真定府幕屬韜死
靖康之難子翬痛憤幾無以為生服除通判興
化軍賊不敢犯旋以羸疾辭歸武夷山不出者
凡十七年與胡憲劉勉之友善而期以任重致
遠者惟新安朱子而已年四十七卒學者稱屏
山先生胡憲字原仲亦崇安人紹興中以鄉貢

入太學會伊洛學有禁歸故山力田賣藥以奉
其親賢士大夫高仰之以其行義聞於朝上屢
召之憲辭母老乃賜進士出身授左廸功郎添
差建州教授後除秘書正字以病請歸紹興三
十二年卒年七十七書中憲序作於紹興三十
年稱彥冲歿後越十有三年其嗣子珙始編次
其遺文得二十卷朱子後跋乃作於乾道九年
距原仲作序時又越十有三載稱先生啟手足

時珥年甚幼以故平生遺文多所散逸後十餘
年始復訪求以補家書之闕然皆傳寫失真同
異舛錯於是反復讐訂又十餘年始克成書云
云是胡憲作序在訪求散逸之後而朱子作跋
係讎訂已成之時也至朱子所撰遺帖跋在慶
元五年距作集跋時又踰二十六載跋中皆珍
惜遺墨之意與是書無關乃刊行者借以取重
耳珥宋史無傳凌廸知萬姓統譜載珥字平父

仕為從仕郎自號七省翁每與諸名賢唱和有
詩集行世

雲停印無考

朱文

雲停

每冊後副葉

象山先生集

三函
十八冊

宋陸九淵著正集二十八卷外集五卷共三十

三卷前宋楊簡袁燮吳杰三序

馬端臨文獻通考載象山文集二十八卷外集

四卷并錄袁燮序文今觀此書外集係五卷其

第五卷乃錄孔煒丁端祖所撰謚議二篇然則

九淵外集仍止四卷也文獻通考不載楊簡吳

杰二序按簡序作於寧宗開禧元年燮序作於

寧宗嘉定五年相去已越八年之人吳杰序作

於嘉定十三年後燮序又經八載燮序稱為刊

於倉司而杰序則云聞建安狀元陳公子孫喜

與人同其善敬送上件文集請用刊行仍以二

賢謚議次於其後云云是端臨所見者係袁燮
刊行之本此本為陳氏所刊謚議亦吳杰補錄
非復袁本之舊矣外集卷五後有辛巳歲孟冬
月安正書堂重刊木記按嘉定十三年歲在庚
辰則木記所紀辛巳當為嘉定十四年但此書
墨闌紙黝決非宋本當屬元時翻刻之書考宋
史九淵字子靜撫州金谿人登乾道八年進士

第歷官知荆門軍卒謚文安嘗與朱子論辨所學多不合門人楊簡素熨革皆傳其學焉楊簡字敬仲慈谿人乾道五年登進士第授富陽主簿會九淵道過遂執弟子之禮歷官至寶謨閣直學士轉朝議大夫慈溪縣男繼以寶謨閣學士大中大夫致仕卒素熨字和叔鄞縣人入太學登進士第調江陰尉官至寶文閣待制進直學士奉祀以卒初入太學陸九齡為學錄以道

義相磨切厥後見九齡之弟九淵遂師事焉學者稱之曰潔齋先生吳杰江西南城人事蹟無考

元趙孟頫藏本明陶宗儀

本朝黃虞稷俱經收藏孟頫虞稷見前考明史宗儀字九成黃巖人少試有司一不中即棄去洪武六年命有司舉人才皆及宗儀引疾不赴晚歲有司聘為教官非其志也所著輟耕錄三十

卷八 葦說邪書史會要四書備遺並行於世

松雪齋

陶九成藏書印

俱朱文 表序 卷二 卷三 卷五 卷六 卷九

卷十一 卷十三 卷十五 卷十七 卷二十 卷二十一

卷二十四 卷二十七 外集目錄 卷二 卷四

黃印虞稷

白文

俞邰

朱文 卷一之三 卷五 卷六 卷九 卷十一

卷十三 卷十五 卷十七 卷二十 卷二十一 卷二十四

卷二十七 外集目錄 卷二 卷四

金臺集

一函二冊

元廼賢著危素編二卷前歐陽玄李好文黃潛

三序後虞集張起巖詩泰不華

今改正曰識語

貢師泰揭傒斯危素程文楊彞五序

危素序稱易之金臺前稿余既序之矣及再至
京師又得後稿一卷云云今書有二卷當是前
後稿並列而無危素前序蓋偶佚之書中諸賢
序詩識語皆至正間所作當時心折易之匪特
文章名盡所長書法亦兼其妙真行篆隸無體
不具則無體不精而摹刻者又能得其精神不
失銖黍選紙選墨印而傳之豈獨為元刻之冠

即置之宋槧佳本中又何多讓焉廼賢元史無傳按浙江通志廼賢字易之先世居金山之西元興西北諸部仕中朝者多散處內地故易之稱南陽人隨其兄宦遊江浙卜居於鄞再至京師以能文名尤長歌詩久之歸浙東辟為東湖書院山長以薦授翰林編修官尋卒元史歐陽玄字原功瀏陽人延祐二年賜進士出身由平江州同知官至翰林學士承旨進階光祿大夫

年八十五卒追封楚國公謚曰文李好文字惟

中東明人登至治元年進士第由大名路濟州

判官入為翰林國史院編修歷官至翰林學士

承旨階榮祿大夫尋屢引年乞致仕遂拜光祿

大夫河南行省平章政事仍以翰林學士承旨

一品祿終其身黃潛字晉卿義烏人中延祐二

年進士第由台州寧海丞歷官侍講學士同知

經筵事年八十一卒追封江夏郡公謚曰文獻

虞集字伯生蜀人僑居臨川以薦授大都路儒學教授歷官奎章閣侍書學士年七十七卒贈江西行中書省叅知政事護軍封仁壽郡公張起巖字夢臣濟南人年弱冠以察舉為福山縣學教諭中延祐乙卯進士首選除同知登州事特旨改集賢脩撰屢遷至翰林承旨進階榮祿大夫泰不華字兼善家於台年十七江浙鄉試第一明年進士及第授集賢脩撰累官至浙東

道宣慰使死于方國珍之難追封魏國公謚忠

介貢師泰字泰甫宣城人肄業國子學為諸生

泰定四年釋褐出身授從仕郎由太和州判官

屢遷至戶部尚書俾分部閩中未幾召為秘書

卿行至杭之海寧得疾而卒揭傒斯字曼碩龍

興富州人以薦授翰林國史院編修官遷侍講

學士同知經筵事進階中奉大夫卒追封豫章

郡公謚曰文安明史危素字太樸金谿人至正

元年用大臣薦授經筵檢討歷官叅知政事除翰林學士承旨出為嶺北行省左丞言事不報棄官居房山尋起為承旨甫至燕都明師已入素投報恩寺井中僧大梓挽之出洪武間官弘文館學士後謫居和州守余闕廟歲餘卒程文楊彛俱無傳楊彛未詳其人新安志載程文字以聞婺源人以薦入直翰林累拜南臺御史擢禮部員外郎卒

收藏諸印無考

河南陸氏
家藏書籍

朱文

歐陽序

後素

松陵
草堂

石田
茅屋

俱白文

卷二

文選

六函
六十一冊

梁昭明太子蕭統撰唐李善著六十卷前蕭統
序李善上文選註表唐呂延祚進五臣集註文
選表

書中每卷標題下於李善註次行刊奉政大夫

同知池州路總管府事張伯顏助率重刊張伯
顏無考其撫刻此書頗得宋槧模範第書中祇
收李善一人之註而又錄呂延祚進五臣註表
未免自淆其例矣

兩漢文鑑

二函
二十冊

宋陳鑑編西漢文二十一卷東漢文十九卷共
四十卷前鑑自序

陳鑑宋史無傳自署為建安人其始末亦無考

序作於端平甲午按甲午為宋理宗端平元年
稱余作兩漢史節積十餘年而功始竟至若名
公鉅卿忠言嘉謨何敢一字妄加節略是以別
為一編云云考馬端臨文獻通考載陶氏西漢
文類二十卷竇氏東漢文類三十卷初未言及
此書其史部中亦不錄陳鑑史節豈鑑本非知
名之士著述不顯於時抑其書未經付刊逮元
而始有是刻耶

收藏二印無考

吳下
阿明

朱文序西漢文卷一卷三卷五卷七卷十卷十一
卷西卷六卷大卷千東漢文目錄卷三卷四卷六
卷八卷十卷十一卷西卷六卷九

松郡
朱氏

白文
序

闕補西漢文卷六十八卷十六十七之東漢文卷

十三十八

三國志文類

二函
二十冊

六十卷無編纂姓氏

馬端臨文獻通考載三國文類四十卷引陳振

孫語曰不知何人集考宋史藝文志亦稱是書
不知集者名氏然所載係六十卷與通考異今
觀此本卷數適與藝文志符合則端臨所稱四
十卷者尚非全書得此元刊亦足證宋本之誤
矣

明晉壯王鍾鉉藏本印記見前餘無考

晉府
書畫
之印

朱文 卷二 卷十二 卷二十

卷三十 卷三十九 卷四十九

敬德
堂圖
書印

子孫
永寶

俱朱文 卷十一 卷二十九

卷三十八 卷四十八 卷六十八

朱文

白堤錢臆
點經眼

卷六十

續文章正宗

一函
十冊

宋真德秀撰二十卷後宋倪澄梁椅鄭圭三序
前宋版續文章正宗祇載倪澄鄭圭二序不錄
梁椅序文蓋閱歲久而佚其一篇也此本出自
元刊撫印雖所不及然三序得全亦參考之一
助按兩浙名賢錄梁椅字子奇麗水人登嘉熙

進士第除太常寺丞權禮部郎官晚年慕程朱之學編輯遺論名曰論語翼

明徐達藏本有魏國公印嚴嵩亦經收藏有鈐山堂印考明史徐達字天德濠人年二十二從太祖軍所向克捷謀略甲諸將初以平吳功封信國公洪武三年進封魏國公十八年卒年五十四追封中山王謚武寧嚴嵩字惟中分宜人舉弘治十八年進士改庶吉士授編修移疾歸

讀書鈴山十年還朝進侍講累官至華蓋殿大

學士太子太師竊政二十年天下咸目為奸臣

年八十五黜為民寄食墓舍以卒今觀書中本

有禮部官書朱文長印俱為嵩鈴山堂諸印所

掩考明禮部尚書鄭賜奉詔訪購遺書係永樂

四年之事徐達以洪武十八年先卒則知此書

乃先為達所藏而後入于禮部者至嵩以私印

鈴蓋官印之上明是嵩入直文淵閣仍掌禮部

事時攘取官書以為已有小人貪邪無所不至
即一書可見矣劉文燿印無考

鈐山堂藏書印

朱文目錄 卷之二

卷十八 鄭序

鈐山堂藏書印

朱文 目錄 卷之二卷九

卷十一之卷十八 鄭序

魏國公圖書

朱文

卷十

仕學齋圖書

朱文 卷十一

鄭序

劉文燿印

白文

鄭序

吳世珍藏永寶堂藏

朱文 卷九

鄭序

類編層瀾文選

一函四冊

前集十卷後集十卷續集十卷別集十卷共四

十卷無編集姓氏

此書前後俱無序跋前集目錄前有木記識語稱將舊集所選古文重加增錄分為前後續別四集前集類編賦詩雜語雜著以便初學者誦習後續別三集類編記傳等作以便作文者披閱云云其書始自楚騷終於北宋每卷標題下別行刊雲坡家塾鼎新刊行係當時帖括之書書賈刻以謀利者故仿宋巾箱本式取易售耳

蕭德源收藏印無考

古吳蕭
德源氏

朱文

每冊首

闕補前集目錄

五後集卷八
五六

新編古賦題

二函
八冊

前集十卷後集八卷共十八卷不載編集人名

氏

此與前部同類之書也亦仿巾箱本式標題下

別行刊翠巖劉氏家塾新編兩集目錄後均有
木記識語紀年為天歷己巳庚午係元文宗初
年刊行之本其書於經史子集中類纂賦題各
疏本末於下蓋為應試者揣摩之用前集仍有
未備爰纂後集以補之

明毘陵周氏藏本印記見前尚古堂印無考

毘陵周氏九松
迂安藏書記

周印
良金

俱朱文 前集目錄 卷二 卷三 卷五 卷六首末

卷七 卷八 後集目錄 卷二 卷二首末 卷三 卷五

卷六

朱文

卷八

尚古堂
圖書印

前集後集目錄

闕補後集卷三一

新編事文類聚翰墨全書

十函
八十冊

元劉應李編甲集十二卷乙集九卷丙集五卷
丁集五卷戊集五卷己集七卷庚集二十四卷
辛集十卷壬集十二卷癸集十一卷後甲集八
卷後乙集三卷後丙集六卷後丁集八卷後戊

集九卷共一百三十四卷前元熊禾序並全書
總目及諸道圖


考宋建安祝穆撰事文類聚一書先以羣書要
語次以古今事實次以古今文集分綱列目采
摭頗詳此本雖襲其名而所分門類二十有五
皆取便於書問之往來文翰之酬應世俗鄙俚
之言無所不載非復祝穆所輯之舊矣劉應李
熊禾元史俱無傳凌迪知萬姓統譜載應李字

希泌建陽人初名槃登咸淳甲戌進士調建陽
主簿入元不仕退與熊禾胡廷芳講道於淇源
山後建化龍書院於莒澤聚徒講授學者雲集
顧嗣立元詩選載熊鉅字位辛初名禾字去非
居建陽之鼇峰志求濂洛之學訪朱子門人輔
氏而從遊焉宋度宗咸淳十年登進士第授寧
武州司戶叅軍宋亡遂隱不仕創雲谷書院四
方來學者翕然歸之

闕補後乙集目錄一



欽定天祿琳琅書目卷六



總校官候補中書臣吳紹潔
校對官中書臣徐秉敬
謄錄監生臣甄輔廷

欽定四庫全書薈要

史部

欽定天祿琳琅書目卷七

詳校官員外郎臣潘紹觀



欽定四庫全書薈要卷一萬三十六

史部

欽定天祿琳琅書目卷七

明版經部


韓詩外傳

一函
六冊

漢韓嬰著十卷前元錢惟善序

錢惟善序作於元順帝至正十五年稱海岱劉
侯貞來守嘉禾聽政之暇因以所藏諸書悉刊
郡庠云云是此書實為元末刊本然觀其紙質

與明版諸書相同當屬元刊而明印者考明史
惟善字思復錢塘人至正元年以省試羅剎江
賦得名官副提舉張士誠據吳遂不仕既歿與
楊維禎陸居仁同葬干山人目為三高士墓浙
江通志載劉貞於順帝時任嘉興路總管以惟
善序證之其時適相脗合也

韓詩外傳

一函
四冊

篇目同前闕錢惟善序

此書即是前版而撫印則愈後紙色墨光遠遜之矣

明文彭藏本按王世貞吳中往哲像贊文彭字壽承號三橋待詔徵明子也少承家學善真行草書尤工篆隸咄咄逼其父以秀水訓導擢國子助教於南京清白堂印無考

文彭
之印

清白
堂印

俱朱文 卷三 卷四
卷六之卷十

詩經集傳

一函
十冊

宋朱子集傳二十卷

此書前後俱無序跋亦不載刊刻年月而版式
字體實屬明刊其刻手印工咸出上選惜墨色
少差耳

闕補卷九

九
十
十六
十七
二十二
二十三

卷十一

十五
十六

卷十七

二十五
二十六

詩緝

一函
十冊

宋嚴粲著三十六卷前宋林希逸序粲自序表
甫手帖并條例清濁音圖十五國風地里圖

粲自序作於宋理宗淳祐八年稱緝諸家說句
析其訓章括其旨使之瞭然易見命鋟之木云
云是宋時此書業經刊行而此本固非宋槧按
音圖後別行有趙府刊於居敬堂七字考明史
趙王祐採子厚煜嗣封事祖母楊妃以孝聞嘉
靖七年璽書褒子厚煜性和厚構樓讀書文藻

瞻麗則所刊趙府或即厚煜所自記歟書前載
林希逸序袁甫手帖皆極稱粲深得風人之旨
凌迪知萬姓統譜嚴粲字明卿邵武人精毛氏
詩閩縣志林希逸字肅翁號虜齋端平間登進
士第歷官學士宋史袁甫字廣微鄞縣人嘉定
七年進士第一由秘書省正字累官至吏部尚
書卒諡正肅

詩緝

六函
四十二冊

篇目同前

詩緝

五函
三十三冊

篇目同前林希逸嚴粲二序袁甫手帖俱闕

詩緝

二函
十二冊

篇目同前

以上三書皆與前部同版撫印並出一時

闕補十三

三

周禮

一函
四冊

漢鄭康成注唐陸德明音義十二卷

此書不載刊刻年月而紙色甚舊是明初撫印

闕補卷十一

二十八

儀禮

二函
十四冊

漢鄭康成注十七卷

此書係規仿宋槧每卷末詳記經注字數與前

宋版周易之式相同然以彼較之書手刻工皆

大相逕庭矣

書中有趙氏子昂樞密之章允文三印篆法庸俗皆出一手其為書賈偽造無疑不足載

三禮

四函
四十四冊

漢鄭康成注周禮十二卷儀禮十七卷禮記二十卷共四十九卷

此書與前周禮儀禮皆無校刊人序跋當是坊間所刻之本蓋明永樂中命儒臣纂修五經風聲所及或有以倡之也

曲江張氏收藏印記未詳其人

曲江張氏

白文 周禮卷一

禮記卷一

三禮考註

二函
十冊

元吳澄撰六十四卷前明羅倫序謝士元跋夏
時正求校三禮考註書楊士奇跋後時正跋
夏時正跋作於明憲宗成化九年正月稱三禮
考註版刻無傳成化庚寅間時正以使命蒞南

昌按察司副使夏君寅以錄本相示係得之翰林編修張君元禎余因建昌守謝君士元以禮樂為教乃許以堂食之餘鏤梓并命錄請狀元羅君倫訪善本正字訛闕留謝守所原本還之張君去年冬謝守書來上鏤有日喜無量也用謹書其鏤梓始末云云書前所載求校三禮考註書即時正所致倫者倫故為之序謝士元跋作於成化九年七月蓋在刊刻成書之後矣其

載楊士奇跋以士奇謂是書經元季兵亂藏於
吾邑康氏後為郡中晏璧所得遂掩為已作書
中所增義率多混淆豈璧所為云云疑非確論
羅倫序中亦深辨之今按朱彝尊經義考稱草
廬先生諸經解各有叙錄余購得周官禮乃先
生孫當所補其餘儀禮則有逸經戴記則有纂
言今所傳三禮考註以驗對先生之書論議體
例多有不合其為晏氏偽託無疑云云是時正

當時得見此書過於偏信遂欲開雕而羅倫之
校讐亦僅取資於三禮考註別本而未能如彛
尊之旁叅互証也考明史夏時正字季爵仁和
人正統十年進士除刑部主事成化六年以南
京大理少卿巡視江西坐上奏不具齎奏人姓
名吏科論其簡恣遂乞休歸羅倫字彛正吉安
永豐人成化二年擢進士第一授翰林修撰以
上䟽論大學士李賢謫福建市舶司副提舉後

因商輅薦召復原職改南京居二年引疾歸築
室著書年四十八卒嘉靖初追贈左春坊諭德
諡文毅謝士元字仲仁長樂人景泰五年進士
授戶部主事天順七年擢建昌知府後巡撫四
川坐事下獄事白遂致仕夏寅字正夫松江華
亭人正統十三年舉進士授南京吏部主事成
化間遷江西副使累官至山東布政使張元禎
字廷祥南昌人天順四年進士改庶吉士授編

修武宗時擢吏部左侍郎兼學士入東閣專典
誥勅尋卒天啓初追諡文裕楊士奇名寓以字
行泰和人建文初以史才薦召入翰林充編纂
官尋命吏部考第史館諸儒擢第一成祖即位
改編修屢遷至禮部侍郎兼華蓋殿大學士尋
以少保兼兵部尚書正統三年進少師九年卒
贈太師諡文貞

明邵寶藏本有錫山邵氏家藏印寶見前餘印

無考

朱文



錫山邵氏家藏

白文

俱羅序

天都陳氏承雅堂圖籍

陳書崖讀書記

俱朱文

每冊首

陳氏藏書

朱文

子孫永寶

每冊末

大戴禮記

一函
四冊

漢戴德著十三卷前宋韓元吉序

此書係明仿宋刊僅能效其版式而字畫則拘

滯矣韓元吉宋史無傳凌迪知萬姓統譜載元
吉字無咎潁川人紹興間知建陽縣用廣而賦
嗇乃貿遷鹽鹺以佐其費遷守建州以軍興調
發功轉朝奉大夫赴召去民甚懷之後官至吏
部尚書

明李應昇歲本考明史應昇字仲達江陰人萬
厯四十四年進士由南康府推官擢福建道監
察御史以劾魏忠賢崔呈秀等人為閹黨曹欽

程誣諭削籍歸復以李實劾周起元疏入應昇
名逮下詔獄酷掠斃之崇禎時贈太僕卿福王
時追諡忠毅其所著有落落齋集見常州府志

朱文

江陰朱氏
岸李氏
落落齋
藏書記

卷一

大學衍義

二函
二十冊

宋真德秀撰四十三卷前明世宗序後楊一清

序

此世宗特命司禮監重刊之本也寬行大書筆
法在顏柳之間不減宋槧楊一清實董其事故
作後序考明史一清字應寧巴陵人少能文以
奇童薦為翰林秀才年十四舉鄉試登成化八
年進士授中書舍人累官至戶部尚書嘉靖間
轉吏部尋加特進左柱國華蓋殿大學士繼以
張璁等構朱繼宗獄坐一清受張容金錢遂落
職疽發背卒後數年復故官久之贈太保諡文

襄

書中欽文之璽鈐世宗序後所記年月之上又
廣運之寶皆鈐每卷上方當即為世宗寶也

欽文
之璽

朱文

世宗序

廣運
之寶

朱文

每卷首

大學衍義

四函
二十冊

篇目同前前錄真德秀原序并進表申狀尚書

省劄子

此書即前版而闕明世宗及楊一清兩序每卷
首葉皆鈐廣運之寶亦是當時內府所藏後流
傳於外失去序文得是書者不知為嘉靖時所
刊遂依宋本抄錄原序進表等篇以為補原書
之闕而原書所闕則固不在此也

朱文

廣運
之寶

每卷首

大學衍義

三函
十五冊

篇目同前闕明世宗楊一清二序

此書版式字體亦與前同而無內府所鈐諸璽
其撫印亦遠不相及當屬坊間翻刻之本

大學衍義補

四函
四十冊

明邱濬撰一百六十一卷前明神宗序濬自序
并進書表周洪謨進書表

邱濬進表作於憲宗成化二十三年考明史孝
宗本紀以成化二十三年嗣位其明年為弘治

元年周洪謨進表係是年作稱邱濬所進大學
衍義補原書副本俱已裝潢成冊中間字樣亦
各校正無差合無順付公差人員齎去福建布
政司轉發建寧府著落書坊照樣謄寫務要字
畫端楷就將原書比對校正傳當翻刻完日仍
將印過書籍並發去原本送部查考云云是孝
宗命所司刊行是書鄭重周詳已可概見此本
為萬厯二十三年所刊神宗復為之序亦極褒

揚是書之善乃刊印草草不求精良觀洪謨進
表中有謹撰表文一通之句其時竟將謹撰二
字截斷分為兩篇編校者俱未之見抑何漫不
經心耶邱濬字仲深瓊山人景泰五年成進士
改庶吉士授編脩官至禮部侍郎孝宗嗣位表
上是書特進禮部尚書尋命兼文淵閣大學士
加少保卒贈太傅謚文莊周洪謨字堯弼長寧
人正統十年進士及第授編脩官至禮部尚書

弘治三年卒諡文安明史俱有傳

監本附音春秋穀梁傳註疏

一函
六冊

晉范甯集解唐楊士勛疏陸德明音義二十卷
前范甯序

按前宋版亦有此書標題稱監本附音春秋穀
梁註疏此書標題於穀梁下刊入傳字其非宋
本無疑觀每卷之版長短不齊其長者規仿宋
槧猶有似處短者則遠遜之蓋係書賈偶得舊

印不全之本翻刻者半補刊者半耳紙墨亦俱不佳非善本也

泰興季氏藏本

朱文序

白文 卷五 卷七

季振宣藏書

滄葦

卷一卷十

卷十 卷十三 卷十七

春秋經傳集解

三函
三十冊

晉杜預集解三十卷前預序後預後序

此書寬行大字撫刻極精書賈得之遂偽作咸

平辛丑刊五字補印於版心上方以當宋槧不知墨色濃淡一望可知且其中有不能容五字者其咸字已印出邊闌之外而刊字復縮其結體用墨筆補填於下心勞日拙此之謂也

明內府藏本有文淵閣印呂雄印見前餘印無考

文淵閣印

一往
有情

俱朱文

世美堂

白文

瑯琊王氏

俱朱文

華亭
朱氏
珍藏

煙條
館印

白文

山中
之民

朱文 俱序

卷一之卷三十

呂雄

朱白間文

白文

天澍
堂

世美

堂

古
狂

俱朱文

滄浪
漁隱

白文

俱卷一之卷三十

春秋經傳集解

二函
十二冊

篇目同前

此與前書同出一版惟閱歲既久版之徑圍稍縮書之樞印亦差其版心上方並無咸平辛丑

刊五字益足証前書之偽矣

明焦竑藏本有澹園印見前

朱文序

澹園

卷一

國語

二函
十二冊

吳韋昭解宋宋庠補音明張一鯤輯二十一卷

前一鯤序昭庠二序

書首標題次行刊明侍御史蜀張一鯤楚李時

成閱虞部郎豫章郭子章選部郎東粵周光鎬
校一鯢序稱先是同年李惟中刻內傳於督學
署中不佞與郭相奎取外傳各分四國訂之註
仍韋氏益以宋氏補音條註其下字畫剗一
放內傳庶幾稱左氏完書云云一鯢等四人明
史俱無傳朱彞尊明詩綜載郭子章字相奎泰
和人隆慶辛未進士歷官都御史巡撫貴州進
兵部尚書周光鎬字國雍潮陽人隆慶辛未進

士除寧波推官陞南京戶部主事改吏部歷郎
中出知順慶府屢遷至僉都御史撫寧夏入為
大理寺卿一鯢時成二人亦未載考明太學進
士題名碑此四人者皆登隆慶辛未進士序所
稱李惟中者即時成之字其刊刻是書蓋合四
同年而互相讐校者也碑載張一鯢四川重慶
府合州定遠縣人李時成湖廣黃州府蘄水縣
人

國語

一函
四冊

篇目同前

此書紙墨之色皆遜前部蓋版同而後印也

書中有震宮育德弱侯楊爵之印斛山金壇王
氏書畫珍藏二酉藏書鐵笛道人東樓書畫印
記香爐式印九印篆法既不能佳其印色亦復
相等且兼以油污模糊幾不可辨係書賈偽造
一時所鈐不足採錄其餘四印亦俱無考

玄伯父

武印
光燾

俱朱文張序卷一卷三

半山堂家
藏圖書記

朱文宋序卷之

卷六 卷十 卷十四 卷十八

卷十 卷十二之卷十四

卷十六之

朱文

卷二十一

訪仲

卷一

國語

一函
八冊

吳韋昭解二十一卷前昭序

此書專載韋解撫刻精良其版在一鯢所刊上
如定窩中人收藏印記未知誰氏

朱文 卷一 卷三

如定
寓中
人印

卷六 卷四 卷八

國語 二函
十六冊

吳韋昭解二十一卷前昭序宋宋庠補音序并
注解諸家名氏諸國世系說

諸國世系說後有明許宗魯識語則此書當為
宗魯所刊第書首空載宋庠序文而其補音並
未採錄體例不孚未為盡善也凌迪知萬姓統

譜載宗魯字伯誠長安人正德丁丑進士嘉靖
初任湖廣提學僉事剛明峻潔不為權勢所屈
博學能詩文所取皆知名士擢山東副使屢遷
至僉都御史尋免歸

十三經註疏

二十函
一百二十冊

周易九卷上下經魏王弼注繫辭晉韓康伯注
唐孔穎達疏前穎達序後附唐陸德明音義王
弼畧例尚書二十卷漢孔安國傳唐孔穎達疏

陸德明音義前頴達序次安國序毛詩二十卷
漢鄭康成箋唐孔頴達疏陸德明音義前頴達
序次詩譜序春秋左傳六十卷晉杜預注唐孔
頴達疏陸德明音義前頴達序次預序後預後
序春秋公羊傳二十八卷漢何休學疏不著名
或云徐彥撰陸德明音義前載宋景德二年校
刊牒文次休序春秋穀梁傳二十卷晉范甯集
解唐楊士勛疏陸德明音義前甯序周禮四十

二卷漢鄭康成注唐賈公彥疏前公彥序次序

周禮廢興儀禮十七卷漢鄭康成注唐賈公彥

疏前公彥序禮記六十三卷漢鄭康成注唐孔

穎達疏前穎達序孝經九卷唐元宗注宋邢昺

校前昺序次宋傳注序唐元宗御製序論語二

十卷魏何晏集解宋邢昺疏唐陸德明音義前

晏上集解序孟子十四卷漢趙岐注宋孫奭疏

前奭序次奭題辭解爾雅十一卷晉郭璞注宋

邢昺疏唐陸德明音義前昺序

此明北監本也其版心皆記刊刻之年係創始於萬曆十四年逮二十一年而工畢計閱八載之久每卷標題次行分別校刊及重修者各列其祭酒司業銜名其校刊之祭酒經八人司業經七人而重修之祭酒司業則祇二人始終其事蓋校刊者係合計八載中歷任是官之人故其數多而所謂重修者不過於書成之後讐勘

一通其功易竣其日無多也第是當時奉勅刊
行宜加鄭重乃所載陸德明音義於周易則別
為一卷附於書後其尚書毛詩三傳以及論語
爾雅忽散列於書中而三禮之音義又不採錄
去取混淆漫無體例抑獨何耶

明內府藏本有欽文之璽鈐蓋上方

朱文

欽文
之璽

每冊首

九經釋音

一函
五冊

宋趙孟至撰不分卷前孟至自序

孟至序稱暇日取陸氏釋文質以韻書採其可
音者音之不可則以四聲紀之又不可則著翻
切於其下云云孟至宋史無傳朱彛尊經義考
引鄭元慶曰孟至宋燕懿王後祖希懌自青田
徙湖州父與憲嘉定中登第孟至咸淳乙丑進
士官運判彛尊又稱未見此書則知流傳於世

者少此本規仿宋槧撫刻頗精惜字體不能如
宋人書之流麗耳

明內府藏本有東宮書府印張璫亦經收藏有
賜名字敬印考明史張璫字秉用永嘉人登正
德十六年進士第世宗初踐阼議追崇所生父
興獻王廷臣持之議三上三却璫時在部觀政
上疏曲排廷議世宗大喜擢璫南京刑部主事
尋召赴都授翰林學士繼由兵部侍郎屢遷至

華蓋殿大學士進少師璫以名嫌御諱請更乃
賜名孚敬字茂恭御書四大字賜焉繼引疾歸
卒贈太師諡文忠李先開明史無傳考太學萬
厯己未進士題名碑先開係直隸河間府景州
人

東宮
書府

李先
開印

俱朱文

欽賜名孚
敬字茂恭

白文 俱序 禮記釋音

春秋釋音

七經圖

一函
八冊

易書詩周禮禮記春秋六經圖宋楊甲撰儀禮圖宋楊復撰明吳繼仕編校不分卷前明焦竑序繼仕自序儀禮圖前繼仕又序

前宋版經部中有六經圖其儀禮圖則元版中有之而撫印不及六經圖之善此本為繼仕合刊一規宋槧製極精良焦竑序云新安吳君見宋刻六經圖而竒之手自摹畫考校授之梓人與好學者共焉又念儀禮為朱子所定其徒楊

復篇為之圖并加編纂合為七經圖以傳學者
得而讀之可謂粲然明備無復遺憾云云今以
此書觀之竝之所許良不誣也繼仕始末未詳

六經圖

一函
六冊

宋楊甲撰不分卷前明顧起元序次載校刊姓
氏宋苗昌言原序

顧起元序稱新都吳氏購得宋本始授梓人計
部大夫汝南方公覽而善之謀於同寮諸大夫

出帑羨復刻而存於署云云是此書之刻在吳氏刊六經圖甫成之後其時儀禮圖尚未付諸剞劂遂不獲摹入耳應明時為南京戶部郎中掌戶部者係南京吏部尚書衛承芳兼攝其事故首列之其餘司曹同寮計三十四人皆備載姓氏起元曾官南京國子司業故為之序其作序時則官右庶子也顧起元字太初江寧人萬曆二十六年賜進士第三除翰林編修累官至

吏部侍郎兼翰林學士卒諡文莊見江南通志
方應明汝寧府光州人登萬曆三十二年進士
見太學題名碑其歷官事蹟無考明史列傳衛
承芳字君大達州人隆慶二年進士萬曆中官
溫州知府公廉善撫字屢遷至南京吏部尚書
卒於官贈太子太保諡清敏

六經圖

一函
六冊

篇目同前顧起元序及校刊姓氏俱闕

此書即前版書賈見其撫刻精良遂割去序文
并校刊姓氏以希僞充宋槧也

明樵李項氏藏本孫克宏亦經收藏有漢陽太
守印按松江志孫克宏字允執號雪居文簡公
承恩子也以蔭為應天府治中擢漢陽知府精
於六法山水花鳥無不臻妙餘印無考

項子京
家珍藏

行遠

俱朱文

漢陽
太守印

白文

南昌
袁氏
家藏

俱朱文

項子京
家藏印

每冊目錄

翠微
山莊

朱文

每冊末

子孫其
永保之

朱文 周禮圖末

禮記圖末

六經圖

一函
六冊

篇目同前顧起元序及校刊姓氏俱闕

六經圖

一函
六冊

篇目同前顧起元序及校刊姓氏俱闕

以上二書與前第二部皆曾經書賈之手作偽

伎倆如出一轍然是書之善摹宋槧亦可概見

矣

五經圖

一函
二冊

明盧謙輯不分卷前明李維楨章達二序

經圖目錄後別行刊章達盧謙同輯今閱達序
稱盧公自永豐令歸携信州學五經圖石本以
授余且曰公幸割俸鐫之余亟命工刊石樹之
學宮又念石本摹搨之艱更損為卷帙刻於金
陵云云是章達係校刊之人而輯是圖者則盧

謙也考明史盧謙字吉甫廬江人萬厯三十三年進士授永豐知縣擢御史出為江西右叅政引疾歸崇禎八年流賊犯廬江城陷謙服命服罵賊死贈光祿卿章達楚人事蹟無考刻是書時以無為州知州攝廬江縣事是書所載各圖亦採宋人六經圖中所列者小變其前後之序詳畧之文而以周禮禮記合為一經遂名之曰五經圖殊失古制之舊也李維楨字本寧京山

人隆慶二年進士由庶吉士授編脩官至南京
禮部尚書此書係刻於金陵故有其序

六經正誤

一函
五冊

宋毛居正撰六卷前宋魏了翁序

陳振孫書錄解題稱柯山毛居正誼甫校監本
經籍之誤所欲刊正者魏鶴山為之序而刻傳
之云云是六經正誤一書為了翁所付刊者方
為宋槧此本每卷前俱刊江都郝梁子高重校

刊九字郝梁為何如人雖無可考以書中字體
紙質校之係明時坊刻之本亦非其至者也居
正毛晃子考衢州志晃字叔明江山人紹興中
免解進士嘗增注禮部韻學者稱為鐵研先生
子居正亦第進士有名於時
收藏諸印無考

朱文

司馬氏

家藏

書

朱白間文 俱序

卷二之卷六

潘氏
珍藏

朱白間文

卷六末

闕補卷一

五四

卷三

十四

十四

卷四

四

二十六

三卷五

十九十七

卷六

十四二十八

二十一

二十二

三十九

四十五

四十八

五經四書性理大全

十二函一百二十冊

明永樂間奉勅輯首載胡廣等進書表易宋程

頤傳朱子本義二十四卷前總目次凡例程頤

序朱子上下篇義圖說五贊筮儀易說綱領書

宋蔡沉集傳十卷前凡例書圖沉集傳序書說

綱領漢孔安國序後書序詩朱子集傳二十卷
前凡例詩圖朱子序詩傳綱領後大小序辨說
春秋宋胡安國傳三十七卷前凡例序論年表
諸國興廢說東坡圖說禮記宋陳澠集說三十
卷前凡例總論澠序大學朱子章句前讀大學
法或問朱子序凡例中庸朱子章句前或問朱
子序讀中庸法論語朱子集註二十卷前讀論
語孟子法朱子序說孟子朱子集註十四卷前

朱子序說性理七十卷前明成祖序次先儒姓氏

此書中五經大全皆攘前人成書以為已有顧炎武朱彝尊嘗譏之已載前元版經部中矣其輯性理大全附於書後者蓋以先儒議論格言足以輔翼五經四書也成祖序諸臣進表皆作於永樂十三年書前所列編纂儒臣銜名共四十有二而胡廣楊榮金幼孜實董其成刊印之

善亦足稱焉考明史胡廣字光大吉水人洪武
三年以文學選為御史成祖即位偕解縉迎附
擢侍講遷學士兼左春坊進文淵閣大學士卒
贈禮部尚書諡文穆楊榮字勉仁建安人建文
三年進士授編修成祖入京以請先謁陵受知
屢遷其官仁宗初由謹身殿大學士進工部尚
書正統間進少師卒諡文敏金幼孜名善以字
行新淦人建文二年進士授戶科給事中成祖

即位改翰林檢討官至禮部尚書兼武英殿大學士卒諡文靖

五經四書

十函
五十六冊

明正統間奉勅刊首載英宗諭旨易宋程頤傳朱子本義十卷前頤序次易圖易說綱領後上下篇義五贊筮儀書宋蔡沉集傳六卷前沉序次書圖書說綱領漢孔安國序後書序詩朱子集傳二十卷前朱子序詩圖詩說綱領大小序

辨說春秋宋胡安國傳三十卷前安國序春秋
圖春秋興廢說春秋總例禮記宋陳澠集說十
六卷前澠序集說凡例大學朱子章句前朱子
序後大學或問中庸朱子章句前朱子序後中
庸或問論語朱子集注十卷前朱子序說孟子
朱子集註十四卷前朱子序說後讀論語孟子
法

英宗諭旨以五經四書經註書坊刊本譌誤者

多令司禮監謄寫重刊以取便於觀覽其版寬行大字撫印頗精嘉惠藝林亦盛典也

詩經內有枕流漱石君則氏二印係先割去舊有之印鈐於補紙上者其君則氏印本小乃平列二方與枕流漱石配合明屬書賈偽為又四書內有尚寶寺卿表忠徹家藏書畫印考明史職名志有尚寶司而無尚寶寺之名其列傳內載袁忠徹字靜思鄞人從父珙謁燕王王厚遇

之及即位召授鴻臚序班賜賚甚厚遷尚寶司
丞尋進少卿今印記中以司為寺以表為表謬
誤尤甚均不足存真賞齋荆溪邵氏收藏二印
亦無考

朱文 詩經卷一 卷五

真賞齋

卷九 卷十三 卷十七

荆溪永定邵
原孝甫家藏

朱文

詩經卷二十

五經

八函
三十八冊

明正統間奉勅刊篇目同前四書闕

是書之首不載英宗諭旨蓋因四書已佚書賈從而汰之然撫印精潔與前部相埒且五經具存未可以闕四書而棄之也

樂律全書

六函
三十六冊

明朱載堉著律呂精義內篇十卷外篇十卷律學新說四卷樂學新說一卷算學新說一卷聖壽萬年歷二卷萬年歷備考三卷律歷融通四卷附錄一卷操縵古樂譜一卷旋宮合樂譜一

卷鄉飲詩樂譜六卷六代小舞譜一卷小舞鄉
樂譜並二佾綴兆圖一卷靈星小舞譜一卷共
四十七卷首載堦書成進表其餘各書進表序
文并勅諭題跋俱散見各卷

萬曆三十四年載堦進書表稱臣檢閱書筭除
歷書已進外其律書內有數目字樣及樂舞圖
恐謄寫舛誤就令畫圖刊版是以延遲十載今
始成書為此具本謹以所撰律呂精義一部計

六冊律學新說一部計六冊樂律全譜一部計
八冊裱潢成帙專差右長史李德齋捧進獻云
云是載堦此書非由一時進御故各自為卷可
分可合也考明史鄭恭王厚烷以言時政獲罪
降為庶人錮之鳳陽子載堦篤學有至性痛父
見繫築土室宮門外席藁獨處者十九年厚烷
還邸始入宮上厯算歲差法及所著樂律書考
辨詳確識者稱之卒諡端清朱彝尊經義考謂

河間獻王之後言禮樂者莫有過焉良不誣也
明內府藏本有廣運之寶寶見前

廣運
之寶

朱文 每冊首惟律呂精義內篇第九卷
鈐於第十九葉係當時分冊未按卷數之故

樂舞全譜

二函
八冊

明朱載堉著首操縵古樂譜次旋宮合樂譜次
鄉飲詩樂譜次六代小舞譜次小舞鄉樂譜并
二佾綴兆次靈星小舞譜

觀前書載增進表稱樂舞全譜一部計八冊是
此書原可單行今所分冊數與表所云適合且
係初印本紙墨並出前部之上

爾雅

一函
一冊

三卷晉郭璞注前璞序

坊間刊行之本撫印亦不能工

明內府藏本有廣運之寶其醉茗齋書畫印無
考

廣運
之寶

醉茗齋
書畫印

俱朱文 序

卷上 卷中 卷下

埤雅

一函
四冊

宋陸佃著二十卷前佃子宰序

宰序稱其父作埤雅言為爾雅之輔按馬端臨
文獻通考載陸佃曾撰爾雅新義其曾孫子適
刻於嚴州為二十卷是佃撰此書在爾雅新義
既成之後陳振孫書錄解題曾並載之此本與

前爾雅版式字畫如出一手蓋書賈鏤木祇謂
埤雅為爾雅之輔遂將郭璞所注並刊而不知
佃自有爾雅新義一書宰序所指非璞注也考
宋史佃字農師山陰人熙寧中擢甲科官至尚
書左丞會稽志宰字元鈞佃子官朝請大夫
收藏二印與前爾雅同

廣運
之寶

醉茗齋
書畫印

俱朱文 序 卷一 卷二 卷四 卷六
卷八 卷十之卷十三 卷十五 卷十七之卷十九

埤雅

一函
四冊

篇目同前

此書與前部同版而撫印在先遂覺明朗紙墨亦俱過之

埤雅

一函
十冊

篇目同前

此仿宋巾箱本式而不能作蠅頭細書且字法端楷有餘流麗不足去宋刊遠矣

劉杏收藏印記無考

龍泉
劉杏

白文

劉杏
字文杏
父

朱文

俱序

古泉龍泉子劉文杏
珍藏古籍子孫永寶

朱文 卷一 卷六

卷十一 卷十六

重刊許氏說文解字五音韻譜

二函
十二冊

宋徐鉉編輯十二卷前漢許慎說文序慎子冲
序鉉兄鉉進表雍熙三年中書門下牒文

規仿宋刊頗殊俗本而篆法樸刻未精亦形筆

弱

葉氏收藏印記未詳其人

朱文序

葉氏
藏書

卷四 卷七

許氏說文解字五音韻譜

二函
十二冊

篇目同前

此書標題雖無重刊二字而篆法遜於後一部
蓋欲偽充宋槧而不能工者也

文彭錢謙益俱經收藏印記見前其漁陽子印

無考又有趙子昂印篆刻甚庸劣其為偽作可

知

朱白間文



朱文 俱序首

卷一之卷十二



錢式朱文

朱文



白文

俱卷十二

重刊許氏說文解字五音韻譜

二函
十二冊

篇目同前

此本篆法亦劣以書中印記證之乃建本也

太山趙氏收藏未詳其人

朱文 序

閩南開府
所得之書

卷二之卷十二

太山趙
氏藏書

朱文 序
卷一之卷十二

重刊許氏說文解字五音韻譜

二函
十二冊

篇目同前

此書撫印稍後亦前版也

閔聲收藏印記無考

閔聲

白文

穀夫氏

朱文

俱序

重刊許氏說文解字五音韻譜

一函
四冊

篇目同前

紙墨在前二部之下雖出一版實遠遜之

隸釋

二函
十四冊

宋洪适著二十七卷前适自序

宋中興藝文志稱适取古今石刻法其字為之

韻辨其文為之釋以辨隸書曰隸釋陳振孫亦稱年來北方舊刻不可復得覽此猶可慨想此本雖非宋槧撫印不精而其書則固足重也

歷代鐘鼎彝器款識法帖

一函
二冊

明萬岳山人校刊二十卷前山人自序

萬岳山人不知何許人序後有宣公後裔之印則為陸氏可知惜未詳其名始末無考其序作於萬歷十六年稱蘇人貨古物者有博古圖錄

予厚價而得之每自稱快又數年得鐘鼎款識
一集與博古圖相為表裏然有鈔本無刻本意
欲梓焉謀之數年因艱於摹寫之手遂不果邇
年偶得松石姜君能兼諸家書又工篆隸遂以
是集付之不半月而就於是遂得而梓焉云云
是此書非山人所撰而序中亦未及作者之名
考宋人諸書目祇載鐘鼎篆韻七卷亦無此書
蓋亦以未有刊本罕傳於時也書中篆法古雅

竟似從鐘鼎彝器中摹搨而出其撫印以朱不以墨亦別饒古色明版之傑出者矣

六書精蘊

六函
三十冊

明魏校著六卷前校自序後附校門人徐官音釋舉要一卷

明史魏校字子才崑山人弘治十八年成進士歷南京刑部郎中累遷至太常卿尋致仕所著有大學指歸六書精蘊卒諡恭簡書中字法或

以古篆翻楷或以小篆翻楷弗混於俗深得先
民之遺刻手亦能傳其筆意足稱良工徐官因
字有難識者為音俗字於書端并附舉要於書
末以便披覽官吳人登正德十二年進士第見
太學題名碑

韻補

一函
五冊

宋吳棫著五卷前宋徐歲序書目後有棫識語
吳棫作此書自易詩書而下以及歐蘇撰著所

採凡五十種其用韻有與時不同者皆載之凡
字有一義或二義三義必有所證陳振孫書錄
解題備詳其說吳棫宋史無傳凌迪知萬姓統
譜棫字才老建安人時號通儒朱子評近代考
訂訓釋之學亦亟稱之姑蘇志徐巖字子禮工
漢隸由進士知饒州後改浙東提舉常平知秀
州此本係明時坊刻其版式猶規宋槧而字畫
紙墨迥乎不侔矣

吳岫收藏印記見前餘印無考

羅印
世良

白文

明仲

朱白間文 俱目錄

卷一之卷五

羅印
世良

朱文

卷一之卷五

姑蘇
吳岫
家藏

朱文

目錄

吳岫

白文

卷一

姑蘇吳
岫家藏

白文 卷二

卷三

改併五音類聚四聲篇

二函
十冊

金韓道昭著十五卷前明憲宗序次昭兄道昇

序并重編雜部一篇五音改併增添明頭號樣

一篇目錄後附重編併部依三十六母再顯之
圖書後附金寶慶補背篇列部之字一篇

道昭字伯暉松水人其書成於金章宗泰和八
年係取玉篇類篇等書之字改併部次別以五
音系以三十六字母蓋宗婆羅聲音之學者此
本為明成化十年所刊憲宗序稱其上下縱橫
律度精密有益學者特命工繡梓以廣其傳故
撫印精良迴殊坊本

改併五音集韻

二函
十冊

金韓道昭著十五卷前昭兄道昇序

前書以字母分排此書以聲韻分排而每韻中亦各以字母分紐皆因其父孝彥未成之編續加修定者道昇序作於金崇慶元年則道昭此書係後前書五年而成是本撫印頗佳似從金時原板翻刻者也

改併五音集韻

一函
十冊

篇目同前

此書即前版撫印之時亦不相遠惟紙墨稍差耳

書中有楊錄印記未詳其人

楊錄
之印

白文

卷一

重刊改併五音集韻

二函
二十冊

金韓道昭編十五卷前載金崇慶元年原序次

唐郭知元孫恆唐韻舊序二篇後附明沙門真空貫珠集八卷劉序又真空直指玉鑰匙門法一卷夏元序

五音集韻目錄前標題稱至元庚寅重刊目錄後標題又稱成化庚寅重刊而各卷首標題則稱正德乙亥亦有稱正德丙子者其第十五卷之末行總標正德乙亥春日重刊至丙子孟秋完頗疑目錄所記年月前後何以懸殊且成化

庚寅距正德乙亥已閱四十六年之久亦覺相
去太遠及觀書中版心下方往往載出賢刊書
姓氏大半皆御馬監中之官員太監目錄與各
卷所載略同則所標至元或係沿元時刊本之
舊其標成化者或係爾時集賢未足僅刊目錄
而止至正德間始獲成書遂以舊存目錄湊合
其仍為一版可知且姓氏上有稱信官者其為
沙門集賢刊版又可知矣劉聰作貫珠集序時

雖稱弘治戊午而夏元之序作於正德癸酉越
二年即為乙亥則貫珠集之與五音集韻同刊
不更彰彰乎真空自號訥菴始末無考劉聰稱
其於經史子集之外凡荒徼重徼如象胥天竺
諸域元言梵典如雲笈楞嚴諸經悉搜剔纂採
族分類合又為歌訣詞法以概諸首夏元亦稱
其於舊本芟繁就簡取易去難意不深刻聲不
聳牙一覩之餘即得止宿則訥菴於聲韻之學

深契其理矣劉聰江西宜春人登成化十四年進士第見太學題名碑夏元未詳其人作序時官湖廣京山縣令

詩韻釋要

一函
六冊

明潘雲杰著五卷附古韻釋要一卷并切韻要法前明王穉登序

潘雲杰雲間人其始末不可考按松江志有潘雲會者為刑部尚書潘恩之子登萬曆四十七

年進士第雲杰或其鴈行此書注釋聲韻叅訂
頗詳王穉登序極稱之撫印精善似非坊刻所
能為者穉登字伯穀長洲人四歲能屬對六歲
善擘窠大字十歲能詩長益駿發有盛名以布
衣終明史有傳

明陳龍光藏本龍光雲南石屏州人萬厯三十
二年進士見太學題名碑來鴻軒親義禮堂二
印未知即龍光所鈐否也

朱文序卷二之

朱白間文

俱朱文

來鴻軒收
歲圖書記

卷五 古韻釋要

親義
禮堂

序

陳龍
光印

令宜氏

卷一

童蒙訓

一函
一冊

宋呂本中著上下二卷前宋樓昉序

昉序作於宋寧宗嘉定八年稱金華太守邱公
長雋出錢五萬鐫刻於呂氏祠堂此本書末別
行刊紹定己丑郡守眉山李璣得此本於詳刑
使東萊呂公祖烈因鋟木於玉山堂以惠後學

按紹定己丑為理宗紹定二年去嘉定八年已
閱十有四載則呂祖烈所藏即邱長雋所刊以
置呂氏祠堂者李璫特取而翻刻其版耳此本
又從李版翻出撫刻再三故字畫不能圓勁紙
亦不佳係坊間所印行者也考宋史呂本中字
居仁壽州人公著之曾孫好問之子宣和六年
由大名府帥司幹官除樞密院編修遷職方員
外郎紹興六年特賜進士出身擢起居舍人官

至侍講兼權直學士院不附秦檜為御史蕭振
所劾罷提舉太平觀卒謚文清樓昉宋史無傳
凌迪知萬姓統譜昉鄞縣人少從呂祖謙學號
迂齋紹熙中登進士第

養正圖解

一函
四冊

明焦竑撰不分卷前祝世祿序竑自序

明史焦竑傳稱皇長子出閣竑為講官竭誠啟
迪嘗採古儲君事可為法戒者為養正圖說擬

進之同官郭正域輩惡其不相聞目為賈譽竝
遂止是當時此書以猜阻未經進奉故無官刻
之本此本祝世祿序稱繪圖為丁雲鵬書解為
吳繼序捐貲鐫之為吳懷讓按雲鵬繼序名重
一時書畫皆臻其妙懷讓欲刻是書先以作圖
書解屬斯二人亦不苟於剗剗者矣祝世祿饒
州德興縣人登萬曆十七年進士見太學題名
碑作序時官南京吏科給事中

養正圖解


一函
二冊

篇目同前

撫印與前部並出一時紙質墨光故無軒輊



欽定天祿琳琅書目卷七



總校官候補中書臣吳紹濬

校對官中書臣徐秉敬

膳錄監生臣賈捷三